

醫案卷二



海甯王孟英著

潛齋醫國書五種

醫案

溫熱經緯

霍亂論

續醫案

飲食譜



南京中醫藥大學圖書館版權所有

民國四年仲秋

普新書局石印



序

才不足以包乎所業之外則其業不精。心不足以周乎所業之中則其業亦不精。羿之射僚之丸張旭之草書蘭子之舞劍其人皆負不可一世之才而俯首降心於一藝之微研窮玩索不能自己迨其業之既成而天下莫能尚況乎醫之為道參天人之興操命之權其理至深其責至重而世顧以無才無識之人揆不專不精之術貿貿施治絕人長年宜乎古人有學醫人費之慨也余自束髮受書篤嗜軒岐之學以家貧無力致書所蓄者靈素而外立齋景岳諸種而已觀其援引之繁富議論之辨博竊以為道在於是而按法施治輒為所困嗣得西昌喻氏之書伏而誦之始有以識夫病情之蕃變方劑之準繩與夫寒暑陰陽之變化其才大而學博識高而法密有非薛張諸公所能髣髴者然而尚論一編猶襲三綱之謬春溫一論混入傷寒之中白壁微瑕不能不為此老惜也歲在己巳服官江右廣搜百氏之書如葉天士之高超尤在涇之功實王晉三之精奧張路王之明達以及吳又可徐洄溪柯韻伯陳修園諸君子罔弗各具精心獨抒偉論靈蘭之秘闡發靡遺然而宗古訓者矩矱勿失而不免於附會穿鑿崇妙悟者化裁生心而或涉於支離背謬夫醫主於愈病而已偏執一途而故持高論縱名理湛深與病情無與也偶於坊間得武林王君孟英所著霍亂論一帙其理明其詞達指陳病機判然若黑白之不可混淆以為飼鶴山人之流亞私心竊向往之己酉冬余室人患痰飲脇痛屢藥弗痊漸即沈困適孟英來撫之金谿視吳候醞香之疾亟走伻相邀惴惴然恐不得一當乃孟英惠然肯來投藥五劑而大效並出初刊醫案回春錄見示因縱談古今之同異百家之得失滔滔滾滾折衷悉當始知霍亂一論不過孟英一端之緒餘而又竊幸余向之私心傾慕者為不誣也詢其近案積有數卷乃張柳吟趙菊齋諸君子所輯定而題其篇曰仁術志余取而讀之喜其崇論閎議足為世法因易其名曰王氏醫案與回春錄合為一編而附霍亂論於後并謬加評點付諸攻木之工以廣其傳蓋醫者生人之術也醫而無術則不足以生人醫而誤用其術則不惟不足以生人而其弊反至於殺人夫醫雖至庸未有忍於殺人者也而才不足以應紛紜之變學不足以窮古今之宜識不足以定真偽之幻則其術不精斯曰殺人而不自知故為醫而無才

無學無識不可也。為醫而恃才恃學恃識亦不可也。必也平心以察之，虛心以應之，庶乎其可也。夫古人因病而生法，因法而成方，理勢自然，本非神妙，惟用之而當，斯神妙矣。今才如孟英，學如孟英，識力精超，如孟英，而每臨一證，息心靜氣，曲證旁參，務有以究乎病情之真，而後已。宜乎出奇至勝，變化無方。著之醫案，卓卓可傳。如是也。余讀雄英之書，於數年以前，以為迢迢二千里，山遙水阻，必無相見之期。乃吳君病而孟英來，孟英來而余室適病，宛轉牽引，卒使數年來望風相思之友，把袂盤桓，傾吐肝膈，極苔岑遇合之奇。夙世因緣，諒非淺鮮。孟英勉乎哉！異日者，擷眾籍之精華，訂羣言之謬偽，刪繁提要，勒為一書，以保全天下萬世之民命，厥功甚鉅。而為力亦甚艱。天末故人，所企望於良友者，詎止斯醫案一編而已耶。

道光三十年歲次庚戌，知宜黃縣事楊照藜書於吟香書屋。

序

予友王君孟英少年失怙其尊人彌留之際執孟英手而囑曰人生天地之間必期有用於世汝識斯言否無憾矣孟英泣拜而銘諸心版然自顧家貧性介不能為利達之人將何以為世用也聞先哲有不為良相則為良醫之語因自願其室曰潛齋而銳志於軒岐之學潛心研究遂抉其微年未冠遊長山即納交於子每見其治病之奇若有天授而視疾之暇恒手一編不輟也繼瞻其齋頭一聯云讀書明理好學虛心可見苦志力學蘊之胸中者淵深莫測乃能窮理盡性出之指下者神妙難言二十年來活人無算豈非以用世之才運其濟世之術而可垂諸後世者哉今就予耳目所及之妙法仿丁長孺刻仲高案之例錄而付梓名曰回春錄見聞有限遺美極多世之君子必有如莊欽之華岫雲其人者更為之遠搜博采以廣其傳而予據批在前有榮施矣

道光二十三年癸卯冬十二月愚弟周 錄拜題

例言

一所錄皆二十年來見聞所及詳載字姓歷歷可徵間有逸其名氏者偶忘之耳

一淺易之證尋常治法所能療者槩不泛錄

一難辨之證誤藥即成危候而初病乃能洞燭遽爾霍然雖若無奇不可不錄後學苟能留意庶免以藥釀病之辜

一病有虛實寒熱治分補瀉溫涼更有補瀉互投之法寒熱並用之宜者以標本異情證因錯雜也此錄諸案具備法無偏倚不愧一代之良工矣

一六氣皆從火化凡外感之邪雖傷寒必以顧陰為主況溫熱暑燥之病更多於傷寒而熱之灼陰尤為勢所必然耶觀案中治感多以涼潤清解為法是參天人一致之理以談醫非泥古耳食之徒所能窺測也

一孟英可傳之案何僅止此惜予未能窮蒐廣討也凡荷其再造之人不妨陸續補刊以推廣仁術而嘉惠來茲匪惟忠厚當然即是心存濟世故不以上下分帙而以卷一卷二為次蓋欲卷數之遞增無已耳

一案中辨證固多發人之未發他如論阿片之燥烈傷津豬肉之柔潤充液之類尤為有功於世是不僅某藥治愈某病之案讀者須加咀嚼勿圖圖燕下也

一孟英雖用藥極平淡而治病多奇中故其辨證處方同道莫不折服茲所錄案已見一斑附錄至之尤數方藥易功優更微立法之善至爛喉痧方雖從金匱翼錄出而孟英命其名曰錫類散且聞授其方於莊芝階金應谷兩中翰修合濟人救全不少凡屬外淫喉患無不應手而瘳不特爛喉痧藉以為神丹也敢不附載以廣其傳乎

王氏醫案卷一 原名回春錄

杭州王士雄孟英著

同郡周 鑠光遠輯錄

乾薑辛溫
故陽氣以溫
併此不盛
則以氣壯
人亦可以
倉卒之變

子每以此
法治陽證
瘡毒莫不
真應妙方
也

陰本喻氏
元參能滋
水以制火
獨取則倍

甲申夏予於登廁時忽然體冷汗出氣怯神疲孟英視之曰陽氣欲脫也卒不及得藥適有三年女風薑一塊約重四五錢急煎而灌之即安後用培補藥率以參耆木草為主蓋氣分偏虛也
范慶簪年踰五十素患痰嗽乙酉秋在發驟然吐血勢頗可危孟英診曰氣虛而血無統攝也雖向來咳嗽陰虧陰藥切不可服然非格陽吐血附桂更為禁劑乃以潞參耆木苓草山藥扁豆橘皮木瓜酒炒芍藥為方五帖而安繼去甘草木瓜加熟地黃黑驢皮膠紫石英麥冬五味子龍骨牡蠣熬膏服之全愈亦不復發後范旋里數年以他疾終

丙戌春倉夫鄭德順患急證時已二鼓巧孟英視之見其扞床拉席口不能言惟以兩手指心抓舌而已孟英曰中毒也取綠豆二升急火煎清湯澄冷灌之果即霍然詰朝詢其故始言久患臂痛因餌草頭藥下藥後即心悶不可耐古麻不能言而旁人不知也錄此足以徵孟英臨證之燭照如神亦可見草藥之不可輕試也
發人羅元奎丁亥夏卒發寒熱旋即嘔吐不能立自言脘間痛不可當孟英視其痛處掀赤腫硬形如肥皂英橫梗於毛際之左乃曰此證頗惡然乘初起可一擊去之也用金銀花六兩生甘草一兩皂角刺五錢水煎和酒服之一劑減其勢再劑病若失逾年患傷寒孟英切脈虛細已極曰此不可徒攻其病者以陰分太虧耳與景岳法以熟地當歸酒炒白芍炙甘草橘皮柴胡等藥一劑而瘳

予素患意氣凡體稍不適其病即至既響且多勢不可遏戊子冬發之最甚苦不可言孟英曰此陽氣式微而濁陰上逆也先服理中湯一劑隨以旋覆代赭湯投之遂愈嗣後每發如法服之輒效後來發亦極輕今已不甚發矣予聞孟英常云此仲聖妙方藥極平淡奈世人謂不敢用殊可陋也
有患陰虛火炎者面赤常如飲酒之態孟英主一味元參湯其效若神而屢試皆驗
黔人葉殿和庚寅秋患感冒日後汗出昏瞢醫皆束手乃甥余微垣浼孟英勸之曰此真陰素虧過服升散與

妙論不獨
治暑為然
凡上而不
可下之類
推皆不

仲聖誤發少陰汗同例下竭則上厥豈得引亡陽為此而以附桂速其斃耶以元參地黃知母甘草白芍黃連

扶苓小麥龜板鼈甲牡蠣驢皮膠為大劑投之得愈

海陽趙子升辛卯夏病瘧急延孟英視之曰暑熱為患耳不可膠守於小柴胡也與白虎湯一吸而瘧即平

范麗門患溫瘧孟英用白虎加桂枝以痊之內申夏盛少雲病濕熱瘧孟英以白虎加蒼朮湯而安己亥夏予

舅母患瘧服柴胡藥二三帖後汗出昏厥妄語遺溺或謂其體質素虛慮有脫變勸服獨參湯幸表裏壽者不

敢遽進乃邀孟英商焉切其脈洪大滑數曰陽明暑瘧也與傷寒三陽合病同符與竹葉石膏湯兩劑而瘧

子夏滇人黃肖農自福清赴都道出武林患暑瘧孟英投白虎湯加西洋參數帖始愈辛丑秋顧家吾室大

瘧瘧孟英亦主是方而效壯之階中翰張安人年踰花甲瘧熱甚熾孟英審視再四亦與竹葉石膏湯而安

者無不驚異予謂如此數證體分南北質有壯衰苟非識證之明焉能藥與病相當而用皆適宜哉

壬辰八月范蔚然患感旬餘諸醫束手乃弟麗門懇孟英治之見其氣促音微呢呢自汗飲水下嚥隨即傾吐

無餘曰伏暑在肺必由溫散以致劇也蓋肺氣受病治節不行一身之氣皆失其順降之機即水精四布亦賴

清肅之權以主之氣即逆而上奔水亦泛而上溢矣但清其肺則諸恙自安乃閱前服諸方始則紫菀羌防以

升提之火藉風威吐逆不已猶謂其胃中有寒也改用桂枝乾薑以溫燥之火上添油肺津欲絕自然氣促音

微疑其虛陽將脫也徑與參歸蛤蚧柿蒂丁香以補而納之愈補愈逆邪愈不出欲其愈也難矣亟屏前藥以

瀉白散合清燥救肺湯數服而平

一何雙年近八旬冬月傷風有面赤氣逆煩躁不安之象孟英曰此喻氏所謂傷風亦有戴陽證也不可貌視

以東洋人參細辛炙甘草熟附片白朮白芍伏苓乾薑五味胡桃肉細茶葱白一劑而瘳孟英曰此真陽素擾

痰飲內動衛陽不固風邪外入有根蒂欲拔之虞誤投表散一汗亡陽故以真武四逆諸法回陽鎮陰攘外安

內以為劑也不可輕試於人致干操刀之辜慎之慎之

癸己秋予在婺患瘧大為醫人所誤初則表散繼則滋補延及月餘肌肉盡削寒熱不休且善嘔惡食溺赤畏

寒

寒

與於始有現最
憑脈終三於初
脈者不四脈者
斷此現月者即
脈

冷乃買棹旋杭託孟英診視曰足太陰濕瘧也以金不換正氣散三吸而安然元氣為誤藥所傷多方調補甫得康健次年秋復患瘧於藝友人或舉醫療予概却之憶病情與前無異即於篋中檢得孟英原方按序三帖病亦霍然聞者無不稱歎後歸里為孟英術而謝之孟英曰瘧情如是恐其按年而作乃授崇土勝濕丸方明年夏令預服以堵禦之迄秋果無恙後竟不發矣

鍾耀輝年踰花甲在都患腫起自腎囊氣逆便溏諸治不效急買車返杭託所親謝金堂邀孟英治之切其脈微而弱詢其溺清且長曰都中所服其五苓八正也耶腎氣五皮也鍾云誠如君言徧嘗之矣而病反日劇者何哉孟英曰此土虛不制水也通利無功滋陰亦謬法宜補土勝濕與大劑參朮果即向安越八載以他疾發金元章媳於甲午新寡後患膿窠疥大抵濕熱之病耳瘍醫連某疑為遺毒竟作廣瘡療漸至上吐下利不進飲食另從內科治亦無寸效延至末春更兼腹痛自汗汎愆肌削諸醫皆見而却走矣王仲安薦孟英視之曰此胃氣為苦寒所敗肝陽為辛熱所煽前此每服陽剛即如昏冒稍投滋膩泄瀉必增遂謂不治之證未免輕棄乃以四君子加左金椒梅蓮子木瓜餘糧石脂等出入為方百日而愈第信猶未轉也諸親友環議再不通經病必有變孟英力辨此非經阻可通之證惟有培養生化之源使其氣旺血生則流行自裕若不揣其本而齊其末則譬糠不能榨油徒傷正氣盡墮前功豈不可惜眾議始息恪守其方服至仲冬夫癸至而肌肉充康復如常矣

朱某患嘔吐諸藥不效甚至大小便秘糞從口出臭不可當自問不起矣孟英用代格旋覆湯加蜣螂蟲服之而愈

孟英遂於醫學從不侈談脈理足以見其欲然不自足也而脈理之最不易切者莫如妊娠予聞孟英於乙未春診黃履吉室人之脈曰妊也是月天癸猶來人皆不以為然次月仍轉但不多耳復邀孟英診之曰果妊也況不斷者陰胎之血有餘耳踰月汎復行覺更少矣人猶以為妄也四月後經始停娠亦顯婉如期人始服其見老丙申夏滿洲某選與東鹽場攜眷之任過浙主於李雲臺家請孟英視其如君之恙孟英診曰非病也能

壽有時不可
遇有時不可
至理同嘗
以理為英
孟英之
亦可為然
可人真學
時虛言以
欺世也

罷入夢矣某頗不信謂經甫停何以遽斷為孕而又必其為男乎反生言過其實之疑既而某延雲臺公審信赴粵任次年雲臺於家書中述及居停果得子深歎孟英指妙予荆人久無孕辛丑秋凡事偶愆孟英一診即以妊斷且以男許次夏果舉一子惜不育耳鄒魚竹給諫仲媳懷妊孟英於寅春初診即許抱孫秋杪果產弟胡壽者室偶有小忿經事過少腹腹微脹自以為怒氣所滯也延孟英調之切其脈曰懷麟矣初猶疑之既而始信卯春果弄璋吳雲隱室年四十餘寅秋況斷其腹曰脹醫謂病也治之罔效延孟英診之孕也彼猶不自信及腹中漸動始服其言至期產一女癸秋孟英治石誦義室脫痛甫愈適汎踰期即曰娠矣既而果日形著其指下之神妙如此

朱恒山久患胸痞多痰諸藥罔效孟英診曰清陽之氣不司旋運也與參耆苓朮之劑豁然頓愈因極欽服後數年果以汗脫聞其垂危之際口不能言猶以左手橫三指右手伸一指加於上作王字狀以示家人有會其意者急追孟英至而他醫之中風藥早灌入矣遂以長逝癸卯冬至前一日管大中丞亦是氣從溺脫當以參附挽回者及孟英至而痰藥痧藥風藥灌之偏矣脈僅若蛛絲過指孟英堅不與方須臾而卒

無棟張柳吟封翁於乙未夏偕令嗣恒齋刺史赴滇南任道出武林其家人鄭九者封翁寵人之弟也途次抱恙抵杭日招起醫陳六順診治服藥後汗出昏狂精流欲脫封翁大駭躬詣孟英以希挽救孟英切其脈既數且亂沈取極細乃語封翁曰此證頗危生機僅存一線亦斯人之陰分素虧不可竟謂附桂之罪也封翁聞言大悅曰長者也不斥前手之非以自伐不以見證之險而要譽相見恨晚遂訂忘年之交彼此盡吐生平始知封翁最喜談醫岐黃之書無所不覽惟不肯為人勘病亦慎重之意耳於是孟英以元參知柏桑枝龍牡生地白芍甘草百合石斛梔子鹽水炒淡豆豉為大劑灌之下嚥即安次日去梔豉甘草加龜板鼈甲鹽水炒橘紅十餘帖而康

吳靄齋令妹稟質素弱幼時鳳山診之許其不秀癸巳失其怙恃情懷悵悵凡事漸愆寢食皆廢肌瘦吞酸勢極可畏孟英以高麗參鹽水炒黃連甘草小麥紅棗百合茯苓牡蠣白芍旋覆花新絳等治之各恙漸已繼參

歸地滋陰康強竟勝於昔

一男子患候痹專科治之甫愈而通身腫勢日甚醫者驚走孟英診之曰病藥也投附子理中湯數劑而全乎謂候痹治以寒涼法原不謬而藥過於病翻成溫補之證是病於藥也非病於病也嘗聞孟英云病於病而死

者十之三病於藥而死者十之七以予觀之誠非激論也吁可歎已

朱氏婦產後惡露不行而宿嗝頓發專是科者不能下手孟英以丹參桃仁貝母茯苓滑石花粉荏枝通草枳殼以仁紫苑山查絲瓜子芫薊子旋覆琥珀出入為方三日而愈

局醫黃秀元之與人韓名諒者有兒婦重身患熱病局中諸醫皆慮胎墮率以補血為方旬日後勢已垂危免

人求孟英診之曰胎早腐矣宜急下之或可冀幸若欲保胎則吾不知也其家力懇疏方遂以調胃承氣合犀角地黃湯加西洋參麥冬知母石斛牛膝投之胎落果已具爛而神氣即清熱亦漸暖次與西洋參元參生地

知母麥冬丹參丹皮茯苓山查石斛豆豉芫薊琥珀等藥調之粥食日加旬餘而愈

一少年患遺精數日後形肉大脫連服滋陰瀉精之藥如水投石孟英與桂枝湯加參耆龍牡服下即效匝月而瘳

家叔南山於秋間患感冒日治日劇漸至神昏譫妄肢振動惕施泰兩醫皆謂元虛欲脫議投峻補家慈聞而疑

之曰孟與孟英商之孟英診曰無惡也通絡蠲痰可以即愈用石菖蒲羚羊角絲瓜絡冬瓜子以仁桑枝旋覆

橘絡葱鬚貝母鉤藤膽星為劑化服萬氏牛黃清心丸一顆覆杯即安調理半月而愈

美政關毛內使年踰花甲而患喘嗽醫與腎氣湯全鹿丸等藥反致小溲澀痛病日以劇孟英診之與純陰壯

水之治毛曰我輩向吸阿片烟豈敢服此涼藥孟英曰此齊東之野語也誤盡天下蒼生幸汝一問吾當為世

人道破機關不致誤墮火坑者再為積薪貯油之舉也夫阿片本罌粟花之脂液性味溫潤而又產於南夷之

熱地煎曬以成土熬煎而為膏吸其烟時還須火煉燥熱毒烈不亞於砒久吸之令人枯槁豈非燥烈傷寒之

明驗也毛極拜服果得霍然或問曰阿片之性殆與酒相近乎孟英曰罌粟之性雖熱然人飲之則質仍化水

故陰虛者飲之則傷陰陽虛者飲之則傷陽景岳論之詳矣若阿片雖具水土之質而性從火變且人吃之則質化為烟純乎火之氣燄直行清道燥人津液故吸烟之後口必作渴久吸則津枯液竭精血源窮而妄動失潤人因見其陽痿也不察其所以痿之故遂指阿片為性冷之物抑又何耶凡吸阿片烟而醉者以藥醫少許淪湯服即醒若熬烟時少著以鹽即渙散不凝膏吸時古上預舐以鹽則不成癮雖癮深者但令舐鹽而吸則癮自斷豈非潤下之精能制炎上之毒乎

金元章年踰七旬久患疝厥每病於冬以為寒也服熱藥而暫愈終不能霍然孟英診曰脾腎雖寒肝陽內盛徒服剛烈焉能中肯以參朮枸杞從蓉茴香當歸芩絲鹿角霜桂枝苓棟實黃連吳茱橘核等藥為方服之令數年無恙矣

丙申春蜀人石符生將赴鄧雲厓司馬之招經杭抱病僑於張柳吟之舊館亦為寓側陳六順治困居停玉人知之即告以柳吟僕病之事石聞之悚然亟遣人延孟英診焉脈沈而澀滯模糊不分至數肢涼畏冷涎沫上涌二便澇少神氣不爽曰此途次感風濕之邪失於解散已從熱化加以溫補致氣機愈形窒塞邪熱漫無出路必致燥液成痰逆行而上但與舒展氣機則痰行熱降諸恙自瘳矣以黃連黃芩枳實橘皮梔子淡豉桔梗杏仁貝母鬱金通草紫苑竹茹蘆服汁等藥三服而起調理匝旬遂愈

夏間王某患感越醫謝樹金治之病雖退而能食矣但不能起坐類乎癱瘓延己月餘人皆謂其成廢所親鍾某免孟英視之曰此多服表散干出過分氣血兩傷肢骸失其營養脈微而細舌亮無苔與大劑參耆歸朮熟地杜仲免絲牛膝枸杞山藥木瓜黃肉姜炙續斷桑枝數十帖而起

一勞力人陰分素虧驟感風濕兩膝刺痛痠痠不能稍立孟英以六味地黃湯加獨活豆卷一劑知二劑已張養之令正飲食如常而肌膚消瘦信事如期而紫淡不恒兩排發熱而別處仍和面色青黃而隱隱有黑氣儼似虛塞多藥不效始逆孟英診之脈似虛細而沈分略形絃滑曰此陽明有餘少陰不足土燥水涸仲聖有急下存陰之法然彼外感也有餘之邪可以直瀉比內傷也無形之熱宜以甘寒義雖同而藥則異也贈以西

洋參生地生白芍生石膏知母苓桂參冬花粉揀實丹皮木通天冬諸品服至數片黑氣退而肥漸充脾熱去而經亦調矣

姚氏婦產後昏譫汗厥肌膚浮腫醫投補虛破血祛祟安神之藥皆不能治舉家惶怖轉延孟英診焉詢知惡露仍行曰此證醫家必以為奇病其實易愈也昔金尚陶先生曾治一人與此相似載於沉氏夫安科輯要中方用石菖蒲膽星旋覆茯苓橘紅半夏菊名蠲飲六神湯凡產後惡露行而昏譫者多屬痰飲不可誤投攻補此湯最著神效如方服之良愈

牙行王炳華妻患古瘡痛礙飲食內治外敷皆不效孟英視其古色紅潤脈形空數曰此血虛火浮也以產後發熱例施之用熟地當歸酒炒白芍炙甘草茯苓炮薑投之其病如失

一老人霍亂後目閉呃忒醫謂脫陷在即與桂附回陽之藥業已前矣適孟英至詢知溺赤口乾診得脈移與數而藥香撲鼻即曰此藥中有肉桂雙勿服也服之必死迫令將藥傾潑而與肅肺清胃之劑果得漸安

丁酉中秋夜牙行張鑑錄年踰花甲卒仆於地急延孟英脈之弦滑而大曰痰氣食相併而逆於上也先以烏梅擦開牙關橫一竹箸於口灌以淡鹽薑湯隨入鵝翎探之探出痰食太息一聲而甦次與調氣和中而愈後數年以他疾終此案雖無奇而辨證之明不可不錄

姚樹庭以古稀之年而患久瀉羣醫雜治不效僉以為不起矣延至季秋邀孟英決行期之早晚非敢望愈也孟英曰絃象獨見於右關按之極弱乃土虛木賊也調治得法猶可引年何以遽爾束手乎乃出從前諸方閱之皆主溫補升陽曰理原不肯義則未盡耳如薑附肉蔻骨脂之類氣熱味辣雖能溫臟反助肝陽肝愈強則脾愈受戕且辛走氣而性能通泄與脫者收之之義大相刺謬而鹿茸升麻可治氣陷之瀉而非斡旋樞機之品至熟地味厚滋陰更非土受木剋脾失健行之所宜縱加砂仁酒炒終不能革其膩滑之性方用之無怪乎愈服愈瀉徒藉景岳窮必及腎為口實也與異功散加山藥扁豆蓮子烏梅木瓜芍藥疾繫石脂餘糧服之

語精義
此類推
可以知
藥之便

果效恪守百日竟得康強越三載以他疾終

戊戌春張雨農司馬必欲孟英再越環山孟英因其受病之深且公事掣肘心境不能泰然誠非藥石之可以為力也固辭不往司馬泣然哀懇但冀偕行旋署則任君去留可耳并屬趙蘭舟再四伐陳曲悃孟英感其情同舟渡江次則溪司馬譚及體氣羸憊情形孟英忽曰公其久不作嘔乎司馬曰誠然有年矣此暑故也孟英曰是陽氣之不宣布耳古惟仲景論及之然未立治法今擬鄙方奉贈博公一嘔如何司馬稱善遂以高麗人參乾薑五味石菖蒲酒炒雞白半夏橘皮紫苑桔梗甘草為劑舟行抵嶧登陸取藥煎而服之駕輿以行未及二十里司馬命從人詰孟英車前報曰已得嘔矣其用藥之妙如此

夏間牙行倪懷周室新產數日泄瀉自汗嘔吐不納專科謂犯三禁不敢肩任孟英診脈虛微欲絕證極可虞宜急補之遲不及矣用東洋參耆龍牡酒炒芍桑枝木瓜扁豆茯神橘皮紫石英黑大豆投之四劑漸以向安予謂新產後用參耆大補而又當盛夏之時非有真知灼見者不能也誠以天下之病千變萬化原無一定之治奈耳食之徒惟知執死方以治活病豈非造孽無窮亦何苦人人皆欲為醫而自取罪戾耶

張養之令姪女患沉疴而飲食漸減于某與通經藥服之尤惡穀請孟英診之脈緩滑曰此痰氣凝滯經隧不宣病由安坐不勞法以豁痰流氣勿投血藥經自流通于某聞而笑曰其人從不吐痰血有病而妄治其氣脹病可立待也及服孟英藥果漸吐痰而病遂愈養之大為折服予謂世人頭痛治頭脚痛療脚偶中而愈貪為己功誤藥而亡寃將奚白此寓意草之所以首列議病之訓也孟英深得方喻氏故其議病迥出凡流要知識見之超總由讀書而得雖然人存政舉未易言也

毛允之戊冬患感初治以溫散繼即以滋陰病日以劇延至亥春或疑為百日之勞或謂是傷寒壞證而鳳山僧主升柴者尤以補之丁卯橋用輕粉巴霜以下之雜藥徧投形神日瘁乃尊學周延孟英視之脈來澀數上溢呃忒口膩雖覺嗜飲而水難下膈頻吐涎沫便秘弱赤潮熱往來少腹如烙按之亦不堅滿曰此病原屬冬溫治以表散則液液傷而熱乃熾繼以滋填熱邪愈錮再施溫補氣機更窒升柴者尤欲升其清而反助其逆巴霜輕粉欲降其濁而盡劫其陰病及三月發熱不是表邪便秘旬餘結滯非關積滯且派澀為津液之已傷

清熱生津
治法固善
然亦此固
本元堅之
故屢誤之
後猶能挽
難否則力
矣

祛痰清熱
力量甚大
此必本虛
標實故
其方如此

數是熱邪之留者蓋乃氣機為熱邪所壅而不得下行豈非溫邪未去得補而膠固難除徒使其內藥真陰上薰清道以致一身之氣盡失肅清之令法當搜剔餘邪使熱去津存即是培元之道伸其治節俾濁氣下趨乃為宣達之機何必執參茸為補虛指硝黃為通降哉以北沙參紫苑麥冬知母花粉蘭草石斛丹皮黃芩桑葉梔子黃連木通銀花橘皮竹茹蘆根橄欖枳杷葉地栗海蛇等出入為方服之各悉遞減糜粥漸加半月後始得大解而腹熱全消穀食亦安乃與滋陰善後而愈

張養之所親李某戊冬醉飲夜歸為查段巡員所嚇神志即以漸昏治之罔效至於不避親疎裸衣笑罵力大無制糞穢不知已夏延孟英視之用石菖蒲遠志龍齒龜板犀角羚羊角元參丹參知柏梔子龍膽草枳實黃連竹黃竹瀝石膏赭石黑鉛鐵落出入為方十餘帖吐瀉膠痰甚多繼與磁硃丸漸以向愈

一祝叟年近古稀己亥春赴席忽仆地痰涌肢強眼科舌蹇不語外科王瑞芝薦孟英視之投六君子加蠟梢

羚羊角膽星石菖蒲竹瀝薑汁而瘳

茅家準翁嘉潤患腰痠愈而復發者五年矣費用不貲諸瘍醫治之不效盛少雲屬其求治於孟英切其脈絃

細以數曰子之幸也此內損證外科惡知知與大劑甘潤滋填之藥匝月而痊至今未發

胡琴泉舅氏家一潘嫗年踰古稀患霍亂轉筋瀕危孟英用自制蠶矢湯而瘳

一少婦分晚胞水早破胎澀不能下俗謂之澀漿生催生藥遍試不應孟英令買鮮豬肉一二斤洗淨切大塊

急火煎湯吹去浮油恣飲之即產母子皆生且云豬為水畜其肉最腴大補腎陰而生津液予嘗用治腎水枯

涸之消渴陰虛陽越之喘嗽並著奇效仲聖治少陰因痛用豬膚以取其補陰虛而散浮陽也後賢不察反指

為有毒之物汪訥庵非之是矣惟外感初愈及虛寒滑瀉濕盛生痰之證概不可食以其滋膩更甚於阿膠熟

地龍眼也然豬以浙產者為良北豬不堪用吾杭燥肉鮓即豬皮為之可以致遠入藥尤為簡當不必泥於皮

與膚之字面而穿鑿以誇考劇也

秋初家慈猝仆於地急延孟英診之脈浮絃亦滑用羚羊角膽星牡蠣石菖蒲丹參茯苓鉤藤桑葉貝母橘紅

疾藜等以順氣蠲痰息風降火而痊。癸卯春前數日忽作欠伸而厥。孟英切脈微弱而絛曰病雖與前相似而證則異矣。以高麗參白朮何首烏山茱萸枸杞桑甚石斛牛膝蒺藜橘紅牡蠣等鎮補攝納以瘳予謂此等證安危在呼吸之間觀前後卒仆數案可見其辨證之神雖古人不多讓況世俗之所謂醫乎。家慈兩次類中予比遠出微孟英吾將焉沾感銘五內聊識數言惟願讀是書者體其濟世之心臨證得能如是將膏天之沈疴而盡起矣。

張養之弱冠失怙後即遭无妄之疾纏綿七載罄其貲財經百十三醫之手而病莫能愈因廣購岐黃家言靜心參考居然自療而痊然鼻已壞矣抱此不白之冤自慙形穢乃閉戶學書專工作楷其志良可悼也。孟英因與之交見其體刻面青易招外感夏月亦著複衣頻吐白沫詢知陽痿多年常服溫辛之藥孟英屢諫之而亥九月間患惡寒頭痛自餌溫散無效逆孟英診之脈極沈重按至骨則絛滑隱然臥曲房密帳之中爐火重裘尚覺不足以禦寒且涎沫仍吐毫不作渴胸腹無脹悶之苦咳嗽無暫輟之時惟大解堅燥小溲不多口氣極重耳乃謂曰此積熱深錮氣機鬱而不達非大苦寒以瀉之不可也養之初猶疑焉及見方案辨論滔滔乃大呼曰弟之死生係乎一家之命惟君憐而救之孟英慰之曰我不惑外顯之假象而直斷為實熱之內蘊者非揣度之見而確有脈證可憑但請放心靜養不必稍存疑畏及二三帖後病不略減諸友咸皆詆藥偏於峻究宜慎重服之有于某者揚言於其族黨曰養之之命送於孟英之手矣眾楚交休舉家惶惑次日另延陳啟東暨俞某並診孟英聞之急詣病榻前謂曰兄非我之知己也則任兄服誰之藥我不敢與聞也兄苟裕如也則任兄廣徵明哲我不敢阻撓也今兄貧士也與我至交也拮据資囊延來妙手果能洞識病情投劑必效則我亦當竭力從憑也第恐雖識是病而用藥斷不能如我之力專而劑大也苟未能確識是證而以無毀無譽之方應酬塞責則因循養患誰任其咎也或竟不識是病而開口言虛動手即補甘言悅耳兄必信之我不能坐觀成敗如秦人視越人之肥瘠也今俞某之方如是陳醫殊可却之速著人趕去辭絕留此一款以作藥資不無小補況連服苦寒病無增減是藥已對證不比平淡之劑誤投數帖尚不見害也實由熱伏深錮藥未及